

Op Gempur: JAS Pulau Pinang periksa 250 premis, loji kumbahan sepanjang 2024

23 Disember 2024 03:41pm

Masa membaca: 2 minit



Antara operasi yang dijalankan JAS Pulau Pinang bertujuan memastikan pematuhan berkaitan perundangan Akta Kualiti Alam Sekeliling (AKAS) 1974 dan Peraturan-Peraturan di bawahnya. Foto JAS

KEPALA BATAS - Sebanyak 250 premis dan loji kumbahan diperiksa Jabatan Alam Sekitar (JAS) Pulau Pinang sepanjang tahun ini menerusi 12 siri Op Gempur melibatkan semua lima daerah dalam negeri ini.

Pengarah berkenaan, Norazizi Adinan berkata, operasi dijalankan dengan kerjasama pelbagai agensi bertujuan memastikan pematuhan berkaitan perundangan Akta Kualiti Alam Sekeliling (AKAS) 1974 dan Peraturan-Peraturan di bawahnya.

Beliau berkata, hasil operasi itu, pihaknya telah mengeluarkan 224 Arahan Lapangan, 69 Notis Arahan di bawah Seksyen 31 dan 37 AKAS 1974 dan 63 kertas siasatan syor kompaun.

"Tiga Penahanan Operasi Kelengkapan (POK) dan lapan kertas siasatan syor pendakwaan juga telah dibuka sepanjang operasi dijalankan.